

養

一

齋

集

養一齋集卷之六

山陽潘德興彥輔

壬辰年

奉題仰山先生京江曉渡圖

鶻節南天去仙槎北極來
長江抱城郭初日上樓臺
旗卷朱霞起帆移碧嶂開
皇華詩麗則名勝仗卿才

題邊頤公畫冊後

我見葦閒圖不見葦閒屋
東城十畝荒煙水向誰綠
幽人渺何許京塵吹縠帽
小窗畫數番清淮月來照

題亨甫石畫畱人圖

閩海小園亭凌空石骨青才人作賓主詩筆鎮滄溟春氣
梅先得離懷酒易醒愁中知己在身世未飄萍

京邸置酒餞丁儉卿方雲壑盧鐵珊作歌

怪哉我曹長鹿鹿賢愚甘據一夫目破帽殘衫不離身赤
日黃埃走相逐可憐文采珊瑚鉤不及沙洲蘆一束潮雞
無聲海霞暗何處蓬萊授丹籙蓬萊蓬萊高似天紛然撒
手歸人閒公等徑去作野僊我何畱滯滄溟邊上不能化
爲雲鵬搏風煙下不肯與蠓蚋羸蚌相周旋狂飈駭浪萬
萬里星物未換凋朱顏朱顏幾何貴行樂今夕離觴須痛
酌壯夫有淚不浪垂浩蕩乾坤信雙腳 朝廷側席求真

才窮山且抱匡時畧君不見湖湘州吏搥戰鼓江東白骨
相檣挂燕齊菽粟荳半枯龍不上天沛霖雨文章入世等
百技拙固無成巧何補傾壺自罰格一揮去毋惆悵畱毋
悲黃金臺下士如蠟低徊躑躅牽征衣道旁達者絕纓笑
身家之計微乎微江湖魏闕問誰在拔劍欲舞長歔歔仰
天搔首髮已短吾亦秋風策馬歸

獨坐和亨甫月夜見訪次日雨中口號二首

病夫十日枕書臥但見虛窗添綠陰人海飄飄一鷗泊齋
居寂寂千山深世情如月有明晦詩興似雲無古今何不
翠微高絕處結茅對坐鼓清琴

都亭未送郭界休

謂郭羽可

羈客深憐張宛邱六街月色獨尋

我半夜雨聲誰散愁瞥眼采豪墮一夢此心青史懸千秋
逢人莫說杜陵叟稷契襟懷何處求

樹齋先生廉峰太史招集江亭銷夏

車馬各成市清涼讓此閒地含九秋氣天與半窗山風雅
殊方合尊罍竟日閒惟憐郭功甫獨客自愁顏

前三年集此亭餞春

羽可在座今下第往沂州

亭館披襟地塗泥滴汗時清風滿堂快甘雨到田遲

時畿輔大旱

早卽事滄浪詠驚心雲漢詩西疇積禾稼醉倒亦奚辭

題亭甫翠微山寓詩冊後

昭代持風雅前賢幾鳳麟
百家今縱轡九達恣飛塵
突兀滄溟客飄蕭涸轍鱗
高吟自甫白直氣已周秦
忠愛依

崇闕清寒失要津
按圖八駿馬隔世九方歎
蓬鬢江洲色

丹心市井臣
飢黎如在側
灑涕不關身
苦語箴卿相
孤誠

接鬼神
軒裳翻畏避
泉石暫因循
近郭翠微寺
幽人烏角

巾
太行來趙魏
大筆竝嶙峋
霜雪羣山靜
瘡痍獨汝呻
善

愁疑夙疾多
難況天倫
雁渚書何暮
鵠原草不春

亨甫昆弟六人

已喪其四
兒佳荒鼓篋
母老待歸輪
骨肉常浮梗
乾坤孰指因

殘衫支歲月
雄劒倚星辰
與我逢京國
傾觴忘主賓
雲天

標論聳風雨
誦詩新牢落
榮千載從容
蓋七閩才奇
宜豹

隱愛極望龍馴蓄采誠丹穴營巢必紫宸蒼茫沈曠野
撰述轉洪鈞旱禱繁歌哭羈棲等賤貧開編銷永晝焚硯
爲斯人東魯誰知惠於陵且學陳何時煙海上閒作耦耕
民

奉題仰山先生游焦山卷子

大江東趨海焦山揭其吭萬物貴鈐束巨浪無披猖吾師
濟時彥泉石殊未遑名山輔造化浩觀窮混茫是時江月
出上下皆天光魚龍夜不吟靜謐扶舟航明鐙破昏黑哀
壑山精藏奮衣陟絕巘皎日騰扶桑東南積陰地烜赫開
至陽羲和駕火輪江斐朝海王星使銜帝命厥職同肅

將臣道貫今昔隨世殊忠哀皦皦椒山公遺墨畱山堂
前屹周鼎銘功勝旂常兵火不可蝕古色含風霜呼朋三
摩挲磊落增慨慷竝坐有名卿蕭山湯宗伯隨行多仙郎近山
羣弟子問字來奉觴高會壯山川咳唾垂琳琅天空海水
碧萬象炯在旁江湖樂復樂蒼生何可忘伐鼓滌江去霄
漢遄風檣

與吳旭峰

擗廈需重材構櫨謝柱石求馬貴德良跼齟戒驂服將爲
大川舟津要渡何急有美不內含孤根日蕩析嗟君三吳
士文雅善沈默元淵珠靜抱神充自無飾持此副時望效

豈競旦夕雲雷遠相期及物課嘉績

雅聲和且平嚶鳴爲求友求友非私圖入世勉忠厚長安
大道開肝膽恃杯酒風多酒易寒故舊亦何有翹車策大
馬讒諛迭弄口朝朝整衣冠無鑑孰知醜嗟余溷京塵朋
好刷其垢窮達皆浮雲茲言盟皓首

京邸喜孔生至卽題其辛卯詩冊後

朔風送燕馬千里同浩歌東風作楚雨離恨滿大河南風
揚路塵盼君趨京華京華誠多才朝盟夕有佗之子含清
真心定無風波不見苦飢渴見如客至家慰我顏色好不
復言蹉跎懷袖出一編再拜求攻瑕君詩宗漢晉獨立驅

淫哇俾我爲之師豈異蓬扶麻師友古義一力辭理亦頗
藉君爲我輔磨盪光以瑳不問誰玉石但勿相唯阿方今
聖求治迫若農蒔禾時畿輔大旱詔求直言爾我非甘霖如此
曷時何世事貴植榦詩其葉與花喜君壯可爲顧我日已
斜西風動庭樹掩卷長咨嗟

七月二十四日與亨甫夜話聯句

夜坐萬籟息曠然觀古今飄飄兩狂客身外愁何深急雨
過虛堂擇樹憐驚禽關山正修阻雲霧有滯淫皎月隱滄
海眾星棲羣陰下階共裴裒遠風吹北林出入無所之但
聞寒蟲吟古人當此時惟有彈鳴琴鳴琴爲誰彈忼慨平

生心四海自滔滔百歲還駸駸白髮慮滿頭所慕非華簪
前聖不我待後死將誰任駕車適都會塵起忽滿襟幸此
曲室中歌歎有同音君居閩山阿我居淮河潯兩劍一朝
合其利可斷金悠悠行路人燕石視璆琳安知爾我遇必
爲磁與鍼名山皆奇峰神淵非蹢躅山淵通靈秀爲魚契
飛沈今夕言久要神天和照臨天空夜氣發庭戶清悄悄
安得御風去雙鶴翔千尋

二十九夜

皓魄在海底何得謂無月仰視羣星垂天光自豁達露草
過塵埃倏忽奪於物振衣獨行庭臨風整須髮

送仰山先生之科布多參贊大臣任

聖化閭無涯盡被天所覆蓋臣宣 德威窮邊若庭廡遐
哉烏梁海北望劇延袤西臨烏隴河水草擅雄富瓊裘眾
君長小心拱席候物貢首名馬 天閑此外廐佐領四十
餘旗翼視宰守統之一將軍參贊相左右任重道忘遠鎖
鑰 帝親授雙旌出關門萬里不鎧胄秋色開黃雲角聲
動白晝烽熄戰士閒馴擾到狐狄我師列卿材 玉堂昔
待漏忽冠羽衛冠絕域作軍副偉器文武合丕績中外懋
順其太古風真樸葆鶉鷩更吹寒谷律春氣轉橈茂敢歌
吉甫詩惠直萬邦揉

師門立五載四見師戒行東南入閩越乘風觀滄溟西南
極滇池渡瀘衝炎蒸去年馳東北按郡臨長城長城傍燕
山我別猶屏營今迺六千里沙雪無郵亭雪罅見城郭溼
煙屯田兵出郭眺金山風烈誰敢登日昃屬圍窗地氣搖
寒燈終歲飽羊酪永夜聞駝鈴北斗欲在南分野知何星
此方誠王土此身亦國楨綏夷臣工職保身聖賢經
華夏盼師歸甚於邊鄙氓大荒養劒氣中朝思履聲文
昌炳台垣豈惟上將明此去歸必適我毋淚霑纓不待符
瓜期金闕瞻觚稜

送高紫峰大令之四川

稽古求善今澤民迺爲士經生不三公必當宰百里縣令
非卑官黔首以生死作令忘活民如農擲耒耜寒峻驟一
第銅章輒深冀借問何所營但曰瞻生理銓曹初採籌互
叩地惡美地饒民多藏色動體夸多且如今之蜀富厚載
前史筮仕得此方賀語倍盈耳公然贊囊橐不恤語言鄙
君學希通儒此論亮不喜看君用意厚往拊民爲子

京邑獨過夏喜君歛來游披襟談文章涼風生酒甌都亭
柳未黃悵君歸三洲君歸復幾時又上巴江舟離愁不足
言願君宣遠猶愛人勉易能知人苦難周吁嗟人藏心倏
忽不可求峨嵋峻刺天未足方險幽金馬碧雞神怪譎難

與侔豈無卓鄭徒
譽交潛結儔
左右不申防
清名委江流
君家古常侍
建節於蜀州
前途實宏大
慎哉無競綵

與吳生大田卽送之歸淮上

少年游 帝都氣伉識不苟
何爲品文字
求觀至老醜
我昔學文日
岐路四奔走
忽忽年壯盛
稍稍見樞紐
古義卓有立
四象尊北斗
欲動目又迷
雲霧幕虛牖
迺知事在我
前哲無善誘
我定大化一
雷霆迅隨手
陰陽行自然
刻雕皆速朽
持語同學翁
塞耳復掩口
君今不我駭
爲君振瓦缶
問我何所師
衢童及壤叟

少年游 帝都 帝都多文雄
家自稱經神
人自慕史通

箸撰爭鬻名立言非由中上追古賢豪下實儕百工受病
坐一巧巧勝神弗充姓字遞赫赫傳舍同恩恩我老寓此
閒默處如癡聾君亦不馳逐閉戶猶學童暫來復歸去衣
無塵垢蒙文章自真偽窮達由天公何苦殘太璞矻矻爲
雕蟲願言各守拙拙乃吾鄉風

秋初寄懷勤子

羣鳥夜來鳴庭樹知有霜瑟瑟客夢驚窗戶生微涼在夢
亦何樂我友聚一堂開戶豁殘夢燕薊天茫茫淮水碧於
玉安得寘我旁君官淮西縣我家淮東鄉西風吹我夢寄
與淮流長

淮水瀦爲湖隄下居人愁何況長湖底灌以黃河流決溢

近足患淤墊遠可憂

九月間桃源姦民盜決黃河灌入洪湖淤數十里

發憤思移

家貧者難自由喜君家於官安坐淮上游吾徒無尺柄但爲身家謀淮東萬赤子人事誰綢繆仰天發長嘆淚下紛難收

五年不見君離緒滿懷抱書往必相詢努力飯宜飽嗟我四年中關河漫漫浩浩保身無精羸聞道無晚早桑榆回天光世慮亟宜埽榮名不可求求之乃速老

鐵耕樓詩

鎮平黃香鐵邨居多水脩脯所獲搗樓數楹顏曰

鐵耕長安過從話此乞詩

桂嶺露森秀君家樓與齊角立眾峰側萬水爲之低樓下
風雨來紛沏連奔谿樓上庾鐵硯得句驚霆霓此鐵涵古
今可敵千年鑿摩挲示田父功用如耒耜頻年君去鄉襍
被堆埃墜岌嶮樓閒峰關河心賞睽世事匪金石荒忽難
卜稽君有硯深耕更有樓高棲奠居傳子孫食力飽黍藜
我無百畝田破屋珠湖西

題廉峰憶壺園圖

滄江下章門襟帶眾蒼翠山川副夙抱園林蘊清氣已陟
蓬萊峰還睠邁軸地高文垂日邊幽夢落天際千里縮咫尺

尺一壺恣身世軒衙松月滿階漱石泉細手招閣外雲目
笑塵中轡亨衢勉國楨空谷制遐契會神境無隔服理
境奚滯神京倚西山因壺園西山及此煙樹涌激霽撰辰期竝
游毋爲鬱羈思

題亨甫天台聽瀑圖卽送之南歸

虛堂數尺山飛流九天風油谿振策過二老追元蹤客何
爲者不坐此腳底關河幾千里莫騎快馬踏風沙亨甫屢欲往塞
外且著芒屨飽山水西風衰柳折都亭東指雲山無盡青
世閒只有天台瀑耐汝蕭閒側耳聽

再題亨甫博陵秋眺卷子

未極登臨興焉知今古愁高城立孤客落日滿幽州莽莽蜚狐險渾渾巨馬流英雄不可作詞賦且千秋

題畫

雲木森沈沈老鶴起又下一琴息眾慮虛堂鼓初罷長松冷處立飛瀑靜中瀉落英澹無言衰榮悟秋夏

題李雲生所藏畫

雲生宣城人

天闊雁飛去月華如此明扁舟大江上詩似謝宣城漁火照鄉夢葦風催櫂聲驕人四方志未可嘆勞生

答黃子幹

江水出汶阜漩澗甫濫觴未絡千百川氣已涵混茫黃子

十七八下筆源流長辛苦訪忠益用意不可當我觀京國
彥奮舌驕文章編中拓外觀所至固易量頗欲折其角一
笑姑退藏盼君振名業痛掃羣披猖長江佐天地育物流
陰陽吾徒立兩閒大川卽肝腸豈有不翕受能作百谷王
悔我昔蹉跎道岸迷舟航師門老執業懋勉交相望

題眠琴圖

瑤琴欲鼓雨溼弦眾綠四垂陰如天鑪香未燼客忽去珍
簟當風吾亦眠

雜詩

孤月離海底積雲升天中倚戶佇清輝竟夕懷長風長風

幾時息雲幕張虛空纖阿豈不神變化來朦朧大塊巨萬
里噫氣由來雄耿耿上閭闔吹垢迺汝功

朔氣入園蔕未隕神凌兢車馬日漸疏芳樹餘枯藤虬松
立我前鬣長頭髯髻少匪眾所悅老醜盍可憎徒恃本心
直未要時人稱支離良可嗤耐寒誰實能

暴雨注九夏畎澮皆橫溢羣蛙快乘時鳴跳夜繼日大魚
亦來游安身作家室汪洋似瀛海翹足涸可必本不求源
泉害至豈戰慄古岸有老漁扁舟固不出

晨起風聚漸不見一池水冰水偶殊質達者固一視炎蒸
涌眾壑潛寓致冰理何待履嚴霜方識寒至此融結在呼

吸聞見勿悲喜赤足踏厚冰東風來邈邈

冬日移寓養疾述懷

華髮游 帝都頻年困奔走欲去不克去力疾爲師友何

期知我人幽明頓分手

仰山先生
十月捐館

圖報無一事抑塞痛搔

首夙患遂屢嬰日夕藥在口飄零姑移居寂寞取自守制
淚出師門舉步戀恩厚惻惻旅舍中壯志百無有相隨但
一病形骸愈老醜朝禽嘯屋簷夜月挂虛牖懷舊多悲酸
撫身若蒲柳且讀養生書閉戶屏外誘

閉戶慙素懷良友與并坐孔生後起秀觀古見其大詩心
已拔俗聖道復默課結志懼忝祖庸論避咳唾我老不自

新素衣黯堀堞自與生也居終日幸聞過迺悟麗澤益哲
王慎輔佐矧茲愚賤軀豈得廢切磋未及衛武夙夜忍
驕情疾病縱沓來重之以寒餓但勿負師友如甌必防破
鬱鬱松柏心堅貞永無挫

除夕題壁

潛虬不溟渤疲馬在風塵羈旅沈勛業艱難發性眞竄荒

知己淚

謂仰山先生

上國獨吟人衰老吾身細天迴薄海春

湖湘搜賊穴閩海定天文將士駢章綬與臺耀綺羅早

雲三輔出哀雁九門多飽飯酸儒愧虛齋敢放歌

紆迴當世志悽緊故鄉愁黃水湖堞下銀濤地上流邨墟

幸乾土藜藿過殘秋卒歲知何策艱危萃楚州

家書三月滯旅病一冬深兒女支荒歲飢寒到客心清門
依誦讀老筆費規箴自恨無間久蕭騷雪滿簪

日短心猶壯天高首自昂乾坤容側陋旋轉藉文章對策
董生直悲歌杜甫狂呼朋勉希古吾道未蒼茫

癸巳年

初春飲雲生寓齋

朝陽不射牖夜雪在遠樓廣衢策馬去寒氣侵我裘霜風
周顛色勞苦何助猷蒿目營四海身家翻百憂大雪鏡萬
象朗朗 帝王州朱薨峙清霄城門多貴游我馬不敢前

避之深巷幽端居慕賢豪出爲騶子羞仰天欲自責窮達
非人謀懷中有一刺不願投公侯冒雪造貧交學舍如荒
陬雲生爲官
學教習典衣飲吾酒縱言氣頗迺海外何小邦知訪
第一流酒開雲生言高麗陪臣某
問中華文學誰爲第一丈夫苟有志星月懸高
秋文字讐夷狄此事非吾求放杯浩歌行東風吹旅愁榮
枯物自運元氣與沈浮

雪窗書事

朝寒臥牖起大雪間滿庭彊起亦何事賤不趨朝行一客
呼我游樓觀雄都城邀游故明
萬壽宮一客延我飲詩酒羅羣英

縱目騁詞辨僕也病未能委曲謝之去閉關養孤清萬事

視精力游宴猶不勝豈能勉其躬勤勞救黎蒸年年居長
安何殊鄉曲氓不及守鄉曲天倫賜吾情少壯蔑古訓遲
暮耽虛名三嘆復自咎褻衷心忤忤斜日喜在窗且坐觀
遺經

題張淵甫靜觀齋四圖

卻掃讀書

畸人抱古書驅車入市讀借問何能爾十載善養獨登高
望吳天太湖一老屋

停琴佇友

對客動遐想山高滄海深不識我山海曾然藏玉琴月落

山徑幽崎嶇愁我心

春山放牧

柴門傍芻牧老牛飯餘眠小牛
馴亦耕日長不聞鞭豈伊
牛性純草木滿春田

山居種樹

生事營目前種花豈種樹
翩翩風中花客老復何與美哉
遠大心百歲蔭衢路

春夜望月

關塞極天迴清輝爾自長可憐對金闕
猶未離幽房澹泊
琴弦緩虛空海氣涼無靈應風雨
墮涕問穹蒼

今古不能蝕盈虧眾尙疑頻年勞玉斧昔日已蛾眉花柳
從人醉山河默自知青天九萬里舍爾更依誰

題葉生名澧風雨懷人圖

木相樛兮見天川澹淡兮無煙風雨兮滿堂皎予心兮多
美人予鬱陶兮何者俟我友兮千載下歲迺盡兮不見畱
玉佩兮心寫君往來之兮皇天告君以先路義儀更相送
兮雨爲旂兮風爲輅君不行兮值回狴狴嘯兮鳩鳥怒與
君升兮高邱江漢濤兮不可畱鼓瑤瑟兮將遠懷表獨立
兮懔忘憂

題廡峰看劍圖

天昭庭神穆穆列星韞劒驅菲風之徠颺以忽雪寂寥宵
憊骨立者疑入聲震聒屈服孔陽燦怒赫莊夫褫結繡襦絃
綠牒燼苾勃升紫煙告台潔靈之感精糾結春棣通華畢
苗華皚皚靜毋蝶鐔鐔黠雲割旋蘭房玉龍脫安齟神
智且慙旭陽光萬陰絕億齡福兆蒙悅

送徐士敬歸朝鮮

士敬名熙淳今名士淳承文院
製述官有賜謁散人焦尾集

帝載極垓埏琛寶駢舟車三韓況密邇漢唐本一家都護
不復置 閭澤深涵濡歲時奉土物九賓同句臚倅來擇
英賢其旅亦萋苴達城產勝士文詞習以都結志必孔道
莊莊爲雅儒東方信多美豈獨稱珣玕乍見卽告歸使我

心煩紆我家近東海登山見夫餘地水有疆域天風相吹
噓徑欲騎赤蛟往采若木華飄飄過岳松行行問君居八
荒若闔牖離別何歔歔願言懋靈修青簡垂令譽煙鴻海
上來儻寄空中書

有麗者驚三章再送士敬

有麗者驚爰止我庭搏桑之風吹汝西征汝征翩兮我庭
爛兮以敖以鳴章鵲鵲兮汝歸遠兮我心綣兮僕夫不息
視轡轡兮

上谷之邦厥民慨慷我觀之子短歌一觴馬眚之江東流
湯湯之子方舟邈乎芴芒謂汝不歸曷云天常汝適式歸

淒其友生

都門之柳喬條依依宛宛黃鳥與友載飛黃鳥集兮汝異
域兮不如衢之人無相識兮潏潏元菟日月以思輯輯谷
風之子其來

送徐竹垞歸朝鮮

竹垞名耆淳士敬之從弟年十七以父蔭承德郎其父前刑部尚書

今中樞府
充正貢使

玉佩鏘英俊龍文力可扛門庭冠東海縞紵達中邦名父
青箱積難兄白璧雙精神足梁棟臭味自蘭茝牀下君辭
遜

初見時謂當受
其牀下之拜

樓頭我氣降敦詩情浩博隆禮習敦龐

愧囿吳趨俗虛求郢客腔新知琴共席離緒酒論缸春動

鵝黃柳冰開鴨綠江草痕畱去馬霞采接歸幢平壤風原
古燕臺論未曉壯觀雲裏闕錄句雨中窗天地遙同舍光
陰互急瀧惜時須運甓登善若尋橦濟美星軺續蜚聲路
鼓辭枵材縱空谷猶冀足音楚

題淵父靜觀齋詩集

詩教稟元氣孔門實宗祖放鄭遠佞人大哉削詩斧漢後
風義頽宋齊亂厥緒有唐三四人起衰力尙鉅唐季復錯
出雅聲放失所忽忽宋元明賢者幾扶樹茲事豈文藻其
用等言語聖遠羣說唯詞場析門戶大言口捷給小語體
媚嫵朝妍工悅今能巧善談古姣妙感心耳葢襲類箋譜

釣之鄭與佞何足辱鐘虞誰能奮千載獨立屹如柱神淡
謝百營理充靳一吐哲人慎言學入爲篇章主成文協管
弦太和應風雨鹿鳴化鄉國鳳儀肅朝宇斯人真吾前北
面拜規矩俯仰東周來燕坐默指數偶偶吳中客通衢門
屢啟敷華沿漢唐就實奉鄒魯雅南美未臻淫殆惡必距
骨冷聲不浮腸熱心劇苦求師遠莫及有友近堪取上國
各窮巷紙墨代編紵知子愛素琴如我卽土鼓忼慨念風
會邂逅愜歌舞少壯去日多衰羸賴爾輔交探六經心古
魄散猶聚毋爲漢制氏鏗鏘習磬武

過廬溝橋作

落日盧溝橋動地遠風起不吹西山雲但送桑乾水

過匡衡故里作

大儒盛時棟僞儒衰世珍子政忠被謗衡也坐秉鈞小心
事權要大言論妃嬪可以弼天子不敢忤倖臣千古此祕
要沽直登要津儒者學何事大節宜輪囷哀哉匡張輩所
學豈不醇經術與文章無補瓦裂身乃知患失念六籍之
荆榛小雅好正直垂誠何諄諄說詩求解頤知非鯁亮人
南邨省妹兼示從子

車馬筋骸倦關山骨肉違別來憐隔歲相見慰初歸病妹
愁盈鏡孤兒淚在衣更看余白髮生事各歔歔

貧慣愁何益邨遙趣滿前
簷興入野色秔稻喜豐年
白水橫晴鳥南風送午蟬
柴門有樽酒情話且怡然

題儉卿萱階課兒圖

衰年駕鵞馬挾策游燕山
喜君同舍居歎歌攄肺肝觸目
憐瘡痍各欲摩天闌問年少於我華髮亦滿顛憂世迄無
補歸來樂天倫俗客勿相溷君今眞閉關

裕亭寄示伊猗君見懷詩賦酬四首

高風捲南雲飄飄天際歸我歸亦何好山林易囚依朝出
觀刈穫無田喜不飢夜坐間讀書兒童能質疑衡門白髮
翁世事無所知庭閒木葉多清秋亦不悲但惜舊交遠誰

與明心期時復矯余首朔雁雲中飛

鳴雁何嗶嗶冒霜涉關河遠人何惓惓
爲勞者歌歌聲一何哀憐我久輒軻
我才宜蓬蒿未足乘軒車子器實珪
璋門巷何張羅張羅亦非貧奇書猶
滿家逐逐夸毗子炫服干當塗揚鞭
顧爾笑覲面如天涯丈夫拯飢溺未
遇甘幽遐

幽遐匪獨居美人共城闕溫文南宮
郎興會亦超越仰天論古賢清言徹
人骨夢寐時遇之不見已三月爲友
寫新詩緘之寄天末攬書再三嘆離
緒腸百結煌煌帝王居萬古萃才傑
我身如飛蓬故人心尙切桑乾有時
淺石交

不可奪

桑乾動西風日暮波沆瀣登高望幽州古人亦已往我賤
三去國擊劒漫慨忼回首冀同志致身吐忠讜酒酣數
交游兩賢氣邁上奮此壯年業副彼蒼生仰離合細如毛
文辭豈足仗開戶雲天高長歌心蒼蒼

秋晚野步

田空霜稼登日斜遠煙起人家笑語樂禽聲亦清美萬物
悅正秋造化固如此老農校多寡穰穰羨鄰里我觀衆所
穫豈異吾粒米閒中負手去天地廓無滓獨立秋樹陰物
動我自止林叟送牛歸吾亦出邨寺悠悠煙外鐘隨人度

谿水

秋雨

涼雲傍谿靜自作此邨雨柴門晝無事清氣滿窗戶老菊
還獨花寂寞吾與汝鴻雁期未來天涯默延佇

聞勤子將歸喜而有寄

斜日隱城郭獨坐思天涯寒雲下澤雁遠自長淮西相思
慮君衰得書喜君歸數年亦未別夢寐常依依況今見面
速百事何足悲人生寄天地欣戚境所爲少年易快意老
去多含悽二者等謬誤矯之爲知幾白白兩人髮疾病還
侵欺世事計及此萬鈞之豪釐君毋嘆齒邁我弗嗟身卑

天倪默發露豈非歡樂時繼此日相見各各保壯裏壯裏
苟不失談笑無窮期

贈丁郎壽昌

鴛雛產丹穴被體皆文章拊翼振奇采老鳳生輝光吾友
毓才子成童如老蒼詩歌擬退之欲與高韻頽下筆姿瑰
怪語重聲清鏘賓客各動色之子洵超常座閒一老生嗟
賞詞慨懷相士數十年到今增淒涼今人不逮古豈以才
短長高才博通人過眼紛琳琅惻然負所學誦讀成秕糠
善釣己祿位不使民物康述作爲一時競響猶蝸蟾遐觀
韓氏詩餘事非宏綱忠義填骨髓六經其肝腸萬死屹不

動紙上纔軒昂咄咄丁氏子年盛不可量安知厲風力不
如韓岫疆束髮抗此志進取乃古狂老生位父執貢諛理
則傷羣鳥嘈汝側汝宜千仞翔保茲爲鳳德世世稱歸昌
漫興和李少白韻

海頭湖尾三年水秋杪冬初雨月雷稻穫泥乾驚麥秀菊
殘霜重報荷開

皆實事

滿懷涕淚衡門士傾耳乾坤鼎鉉才

聞說採荒多拜爵普天寒餓待春來

少白雪中卽事詩用全仄體以全平體答之

重陰蒙乾圜漻漻催嚴寒平田羣流歸來牟如枯菅交衢
行人稀謀生嗟艱難天平仁黔黎何爲詒菑患斯民非皇

初文鋌藏心肝妖祥根其心神祇無傷殘幽人悲元元靈
臺常深觀簞瓢皆近粵清規高於山慚余衰無聞晨興義
儒冠蓬門樽罍空青瓊凋朱顏牀頭繙韋編盈虛更回環
千年無殊塗蕭慘胡長歎君詩同余心奇窮翻寬閒要君
爲盟言蒼松標雲巒峰巒時傾敬茲言誰能刊回看瓊巖
飛暄然陽春還

題子履煙溥雲壩圖

婁東古文苑後死推斯人吐心出邱壑信手浮煙雲名高
髮已白氣足山長春吾欲挹其袂往與元鶴羣

蒼一齋集卷之七

山陽潘德輿彥輔

甲午年

答孔生

惠風鼓萬物飛潛遂其生我何纏憂思百感相交并良友
在遠道寤寐誰與明駕言適郊野地輿廣且平流水去不
息厥中含太清疆畛一以化離合皆通誠黃鵠志霄漢入
絃如軒楹鄙哉田舍謀邑邑何所成

鳥鳴微雨過芳草日漸長舉首青天高雲下月東上是時
心目潔獨坐了萬象古人去我近砮然答聲響須臾羣動

爭平波忽震盪層瀾遞生滅白日淪沆瀣指迷冀方來省
過慚既往開徑三益希何人獻忠讜

時迅苦不畱志廓必鮮就東尋滄海鰲蓬瀛幾時覲西貪
玉山禾手乃棄銚鋤窮年紛外求白首滯卑陋德功寂無
聞飽食此世宙文章薄今人與古孰先後假我雖百年詎
若殤子壽三嘆諗友生本根助閔茂

偶然作

世降才日衰文章失壇宇歐會師傳絕何況配遷愈全子
詞瞻核其氣不能舉王生頗淩厲根柢未扶樹瞻核近實
用淩厲恃狂語卅年名士習狂者立門戶觸眼露芒角手

之則苦窳本豔旦夕名遂薄高曾矩名來萬鈞鐘名去一
瓦甌所以深識士避名若避虎養心詞章先默爲風會主
斯人不得見愴焉獨懷古

野意

觀古發長嘆養心以八表登邛來遠天白雲送歸鳥暝煙
一色中萬態炯如曉卽目既有會古人豈縹緲歸來還步
檐不識戶庭小

與通甫

六十年詩人名重格愈下單車入海中文章稱心寡東南
兩張生厲精復騷雅

邵武張際亮亨甫
蘇州張履淵甫

歸來見吾子執手

亦心寫霜月舉海鶴風煙走天馬宛邱七百載豈得無繼
者毋將葢代姿皤皤震里社

高樹擁歸雲長天倚秋嶽

二句乃通甫懷余夢中作

氣象滿世宙魂夢

極真樸肫肫文字交所見猶未卓賈陸人中龍譽言易攻

駁

余八年前見通甫古文數篇以賈長沙陸敬輿勸之

愛才順我性希古視子學焦

明高復高勿使羅者覺

晚坐遲通甫不至

人靜天降庭星漢氣盈眼端坐待明月萬里海風遠之子
眾謠詠老夫一繾綣咫尺嗟跡違夷猶夕忘飯

寄廉峰

大道古坦夷趨者肇岐曲塵起衝白雲日暮傷躑躑躑
夫何爲往哲可遠矚夸毗利捷徑豈不折牙軸行毋苦倭
遲居則飫杞菊葦蕒彌廣阡塗人愛芳馥我懷金門隱江
湖其初服八荒勿遐慨歲寒嗇幽獨

輦下多交游誰復更如子黯黯風雨夕抗言囁太始風雨
雞自鳴大地有時序言笑雜悲嘆沈切非己事如何得斯
人萍蓬越千里飛鴻銜書來涕下不可止洪荒縱遼闊吾
儕豈文史膠漆神理閒雲天互延佇

過鏡渠南邨

夜窗論前古慨然懷友人晨起命予駕曠野舒心神一雨

助谿流萬畝苗色新頻歲困饑饉蒼昊蘇吾民及秋腹可
飽婦子無悲呻桑下瓜亦熟開花連綠蘋露蟬吟樹閒風
鳥翔水濱田父曳杖游如見義農春歡然入邨舍把酒言
笑眞飲食天地中相對慚耕莘

城外晚舟

林虛秋氣生鼓枻足逃暑菰蒲動微風城郭入疏雨卻憶
秣陵舟閒看遠帆去

寄芥菴宿遷

佳士同羈旅歡場寄遠游倒尊燕市月并馬薊山秋豪氣
餘長劒歸裝等敝裘離情不可道莽莽大江流

下相仍孤館金陵有尺書高天失雷雨大壑混龍魚煙樹
河塹郭冰霜歲暮車

余擬仲冬入都

盧溝柳色動相望意何如

汶上作

不見黃河下兗州半空塵土壓衣裘茫茫客思歸何處落
日孤城汶水流

車中讀春秋感賦

啖趙孫劉冠世賢童時識趣老茫然回頭歲月如奔駟浪

擲丹鉛四十年

余十三四歲時有注春秋之志

晤郭羽可艾至堂江龍門各贈以詩竝述近狀

海鶴戒近音厓松羞曲枝郭子豈時流萬古煙霄姿金臺

高且寒與子同敖嬉華髮衝赤塵願以天風吹

霜風削山骨艾子氣彌厚天傭不可作

至堂爲天傭裔

斯人卽耆

舊詩含關塞聲萬馬怒奔走文章亦道心亮子百世後

江子經世才銳意任天下小技視詞賦大論括夷夏思翦

滄波鯨屢跨燕趙馬何年銳牙冠昌言誦

朝野

江雲無定態塞雁不停跡雲低雁數聲潘生頭易白益無

甌石儲歲歲愛行役走獻

北闕書獨倚西山碧

題馬鶴船老漁圖

一竿在天地萬物若潮汐江湖千頃深名姓有誰識我不
爲老漁髮似老漁白長風偶然起吹我過趙北泊然人海

中忘筌魚可得

題至堂北度雁關圖

承平不紀燕然績烈士自爲邊塞游亂石雄關羣雁落遠
天衰草大荒秋千山雲氣朝燕薊一角人煙擁代州便請
屯田通絕域早聞戰馬化耕牛

廉峰招飲

舊雨騷人宅清風使者車

廉峯新典
浙江試

門多會稽竹饌是子

陵魚節槩一身事材能累世儲因思汲長孺尙少薦賢書

席間偶論史
記汲黯傳

覽夢谿筆談偶作

何物蕭閒杜五郎布袍終日坐茅堂門前桑樹風來好十
五年前一納涼

乙未年

題汪太傅信民贈文信國硯圖

二策不教扶半壁孤軍那得振空阬池中定有黑蛟起怒
作厓山風浪聲

血淚縱橫漬墨花咸淳時事極杈柯承平猶挾風霆氣君
看成都議禮家

硯後歸明相國
楊介夫先生

題葉雲素給諫孝行錄後

名繼
斐

黃門亦人子天性耿不渝簪組不知榮但念生我劬攀匱

灑血淚惡浪衝歸艫身與匱存亡神鬼潛翼扶破舟達彼岸
觀者齊歡呼墓門居九年鄉人罕造廬廬前羣燕飛此
乳逮彼雛和氣蒸園林枯木春華敷異類尙相感骨肉彌
交孚令妻奮刲臂代藥能療夫宛宛十齡女守貞脫紅襦
家庭化如此端本言非誣人生判貴賤豈不同髮膚黃門
亦人子胡獨爲醇儒漢水清且漣借問今何如

題畫

人家盡處市聲息浩蕩長江萬里開恍似眞州洲上泊亂
帆齊卸遠山來

述意示孔吳二生

鴛鴦殉其匹鴻雁不亂羣妾身委君子分定何因艱鸞鏡
銜顏色豈無脂粉妍從一矢有終蓬垢爲吾天豈惟忘貧
醜九死吾所安古井不旁出貞松不移根并智松已枯水
木含青春

雪嶺挺老木自欲柱大廈工師寂不求蕭條處荒野嘉會
縱有時獨樹無乃寡老木語新條汝其助擔荷一身不自
量輔之計應左豈知扶危心萬古賴不墮螻蟻勿相食神
靈在古社

奉題禮烈親王克勒馬圖

禮烈親王 太祖高皇帝之第二子 世祖章皇

帝之伯父也從 太祖 太宗 世祖定天下戰
功獨多所乘馬名克勒漢言棗騮也高七尺長丈
有咫耳際聳肉角腹旋毛如龍鱗蹏患金創自跑
土得泉洗之而愈軍中驚爲聖水順治五年王薨
馬不食死汪琬爲之傳嘉慶閒張問陶補作圖道
光十五年春王裔孫屬德輿詠之

神馬來啓東道鬣長馳衛幢葆神馬來體并汨從 帝子
翊明穆出閭闔被浮雲萬騎伏王桓桓王作弼鬯 皇祐
發日域蕩遼滸戈加敵散若雨馬焱駭沛馮馮鬣兩角怒
飛龍電爛爛鱗習霍懼貔貅肆蹂躪鐵蹄入夷者吭涌湧

洋筵創平歟有喜吁房精鼓硠硠逐威弧六幕清有騷除
王功耆返泰壹馬噠血朔風深棺以帷轡爲紼靈旂影王
其來珂鉤鳴悅龍媒雲裔裔縕不開慘天頽烈士懷骨應
圖殊相在唐陵石齊魁壘猗武績幬孫子揚億年保蕃祉

題廉峰問詩圖

山川鬱高厚草木藏杼機虛籟各自鳴不問皆吾師閒庭
偶賓主叩答非言辭微風動高林穆然音亦希

正聲曠千載萬謬一自滿不賴淵沖人名理日以淺天地
小園託虞周寸心纘君悟還告余遐哉共敦勉

孤鸞篇

爲 欽旌貞孝德州盧相國女作貞女幼許字故
城賈君年十二聞賈君死矢志不再聘養親以老
年五十賈君嗣子迎歸都人士徵詩美之

婉婉孤鸞厥音孔悲煜煜華采霜霰攸摧阿閣重樓簫遠
風淒莊莊弱齡獨處無歸天命觀閔禮從余懷匱絕千載
維茲令儀

婉婉孤鸞茹荼弗嗟女子事親色音彌和肅肅公輔素絲
纓紘溫溫孝女白髮鬢鬢我痛翦鬢我親則那夙興櫛笄
言歌白華

婉婉孤鸞亦返其宅是謂于歸路人雨泣稚秉一心逮老

靡忒維古哲人貞此懿德 天子嘉之其門烏奕穆哉相
君庭誥無斃

送吳生南歸

此別祗旬月酒栢和淚深相依如骨肉相對忽蕭森林鳥
卽時散山雲長自陰小亭花覆地無語賸孤吟

畱別宗貽宗佑

魏闕青霄迴儒冠白髮長感時鬱忠愛失路積蒼涼蹠蹠
風塵裏值個日月旁抗心高世宙復古藉文章北斗樞衡
柄南宮翰墨場按圖索騏驎結響聆蜩螗性直才逾拙年
衰器未藏傾身磨月斧側目失霓裳碧海恆飄泊神山日

渺茫高花飛雨砌疏竹掩雲房 聖代原求士 天威許

近 光金門思獻納玉尺愧衡量吏道憂方大詞壇興頗

狂偏教承 帝澤何以致民康鞅掌非吾意丹鉛異俗腸

兩塗無契合萬象入徬徨兀坐銷長晝虛懷任彼蒼病來

成老叟夢過理歸裝出處神能定分離氣不揚師恩感泉

壤友誼越尋常尊酒歌彈劍書燈話對牀數年情忍割此

別淚成行老馬難知路雙鵝冀遠翔董帷珍歲月卞璧吐

光芒往事徒悵觸閒愁各澹忘燕山足鴻雁消息盼新霜

別小庾

十載長安住蕭寥孰似君眉閒餘古氣夢裏亦予文

君闡後稱

予文不去口醉卧猶誦之神鬼憎知己蟲沙等敗軍城南春酒地花絮散紛紛

我輩如稊米

中朝要棟梁大風吹地軸

京師地震

飛火照天

倉

運艘火災

墨綬才能薄丹梯道路長殘年東海畔與子詠滄

浪

別廉峰

酒邊肝膽足千古篋裏文章如一
人白髮能禁幾回別落花還似昔時春

別繆星潭

英年射策不得意燕坐無言焚妙香滿眼羣花絢春色寸

心止水鏡秋光仙壇佛火爲鄰暫

星潭寓佛寺余寓道院相去數十步淮月

燕雲別意長安得海天同鼓櫂津門東去是樽桑

星潭家寄津門

飲羽可齋話別

飲酒復飲酒慎勿悲風塵薛生偶長嘆貽譏負苓人靈臺
至閔大高天流白雲彼哉夸毗子何足供評論我甌本未
墮顧惜殊無端車馬是吾分安知行路難

飲酒復飲酒慎勿嗟別離我歸子亦歸皓首和天倪 帝
京縱不來忠愛隨地施潛見若晴雨默與昊緯期各爲壘
柯松巖壑從高卑不爲楊柳花逐隊漫天飛

與姚梅伯

明越倚滄海混茫元氣開高城獨立處儻見三神山白日
照金闕天風來珮環琪花不可采塵土上愁顏

五月十五夜羽可小庾龍門星潭小集寓廬卽席賦
二十八字爲別

酒痕別淚苦難分吹入南風總陌塵秋月仍臨 雙闕外
江邨空憶獨歸人

題吳梅梁侍郎世德清芬硯圖

神工闢谿山人文照台斗片石傳德門典重匹彝卣南包
粵海氣滋液蘊淳厚北帶雁門霜侍郎大父大同嚴凝刮
太守始購此硯嚴凝刮
塵垢鴻儒貽厥謀麟孫拜而受玉堂晝散藻溫潤比瓊玖

冠夜草疏筆挾怒蛟走雄疆大藩開宣諭徧童叟還
朝歷卿尹嘉猷猷我后圭璋儼同質霖雨真在手儒生
抱古鐵寒風坐甕牖聞此翰墨勛恍若古未有豈知大臣
業幼學志尙友成均祀宣公昭示百代後陸宣公從祀文廟由侍郎建議
效法實在茲上下兩不負涵濡關其用付託夫豈偶展圖
肅心神述德允不朽

山亭坐雨與小庾聯句

石氣蒸積雲槐風斂虛院孤亭出木末林暗入飛電滃然
長空合蒼龍下綫旬頻年苦愆期齋宮減饗膳況聞河以
北赤堽貴麴麪施生晚猶補昭假理其見萬物幸有託及

茲保天眷變贊爲豐年諸公侍臺殿寂處時引梧聊作野
農忙閒庭草木潤分秧憶鄉縣豐隆毋停車更祝天下徧
與猗君

園苑青霞隔瑤琴白晝閒可騎燕市馬去看晉陽山

猗君將游

山右不果

貧士艱行役炎蒸勸閉關應憐江渚鳥長路又飛還

答羽可

海風夜起鶴思歸珠樹瓊禾夢已非此去江湖身漸老遲
遲還傷 帝城飛

道院坐雨

故國二三子東南雲氣中

鳳城今夜雨客夢若爲通大

木鳴虛牖高歌激太空鐘清羣籟定秋意滿簾櫳

觀羽可畫竹

老可閉門日畫竹六月虛堂風颯然何日空山同結屋卧
聽風竹送流年

柬星潭

鷗渚閒蹤合鵬池壯志虛良朋吾性命之子器璠璣俗骨
前身換高才綺歲儲海樓安筆硯月桂馥簪裾螭屈還爲
客龍鍾不笑余古心神鬼鑒真氣弟昆如地阻蓬萊殿
雲低羽士廬亞欄青嶂削蓋瓦綠陰舒坐久人聲寂談清
旅思紆露階齊得句風牖對繙書夜茗呼添燭晨餐喜摘

蔬幽尋皆竹鳥鄉味共江魚時訪城南寺偕乘市上車煙
霞新伴侶都會暫樵漁忽話家興替深憐運齟齬牢盆成
註誤珠履孰吹噓紈綺塵應積園亭草待鉏孤懷良佗際
往事莫躊躇才行人楨榦浮華眾毀譽世方疑珞瑤君已
佩瓊琚視我飄猶梗羣知散類樗閉關徒健在得酒尙軒
渠勸汝脩丹訣攀天上 玉除彩豪傳 禁掖錦服慰門
閭蓄意看春轉傷離畏暑祛余擬七月歸琳房畱履跡他日幾
欷歔

寄通甫

鳳城高高春夜長美人不來心憂傷東風桃李生道旁作

花媚客紛低昂反覆諦視非芬芳梅花獨立天海蒼空山
無人寒自香昨日青禽尺書將謂我遠道胡相忘我心皎
皎明月光千里萬里如我堂夢中歌吟有清觴醒來容輝
照屋梁我生憔悴頭如霜且驅疲馬還故鄉無田可耕懷
四方紅塵黯黯遮夕陽卻思東海風浪浪明霞異色鋪文
章中有佳人拖雲裳手種梅花滿玉堂靜志端居深自藏
安得招之游天閭羣仙朝帝騎鳳皇翩然追逐相翱翔燕
山兀兀天茫茫青禽歸去涕泗滂浮雲西北長相望

雜詩

朝日上城闕九衢如水流車馬恣結交朝恩夕爲讐杯酒

非古歡燕笑良可憂不待臺池平掉臂無夷猶何況險難
中忘身誓相救誰爲生死交覽物人懷羞念飢有蛩蛩銜
羽爲周周

芙蓉生澤中豈以姿采妍綠葉隕秋霜藕絲自纏絲藕爛
有盡日絲長無絕年蓮娃袷服來采花紅滿船素絲長復
長中路忍棄捐驚風搖玉露清淚流涓涓死絕還相思察
貌亦徒然

斜日登高臺千里望燕趙昔時慷慨士邱壘出荒草舉柁
灑古魂英風起雲表刎頸死知己貴賤何足道毋言屠沽
流此輩今已杳滔滔桑乾水無情送人老呼友秉華燭爛

醉展懷抱

道院書興柬小庾星潭

幾年疲馬厭津梁
小憩丹邱覺晝長
几席最宜逃暑地
神僊畧示養生方
林陰障戶遲鑪篆
石筍扶欄穩筆牀
日日撫柯同嘯咏
莫嫌閒散費文章

半弓隙地小亭開
三面微風秋欲來
空外停雲知客意
靜中嘯鳥助詩才
花香半入新生葉
雨氣全歸未埽苔
閒挂絺衣休便去
晚涼蘿月映深杯

送陳薌伯還杭州卽之官甘肅

天街日赤飛塵黃
送客馳馬歸錢塘
卸裝散髮極稱意
西

湖六月荷花涼荷花未落權謳急忽似霜風奏羌笛西泠
才子向榆關窈窕湖山作愁色關門曉開楊柳青蔥山蒲
海如戶庭陰厓千尺雁飛過令尹行春催力耕爲政心閒
物皆好驚沙得雨生芳草不持鏤管逐少年自撫瑤琴安
父老涼州酒美勸高歌且炙犂牛烹野駝建牙吹角丈夫
事青史功名邊塞多

送陳蘊山還江甯卽之官山右

建康山色天下稀陳生數年愁未歸歸家兒女向君笑復
對青山解薜衣薜衣只合蓬廬著丈夫意氣久磊落燕市
高歌酒百壺灑涕蒼生繫憂樂君不見 天子選士開南

宮簡拔邑宰如侯封判筆如風了公事痛癢不切醫無功
方今邊塞若庭戶太行之右尤沃土保障從來勝繭絲
國寶何須誇近鹽喜君仕宦年力彊河山勝地分銅章莫
聽楊柳藏烏曲早訪西風蟋蟀堂

題張自新荷灣清夏圖

涼風何處起江介竹林深南望二千里如聞沙上禽平山
昔維擢荷氣滿虛襟草閣今誰坐應知余素心
肥遯老成癖讀書心愈閒開軒臨極浦看雨過前山漁子
時相覓鷗羣晚自還吾衰著此境終歲閉松關

與黃香鐵論詩卽以畱別

土蕢慙邨氓文繡炫朝彥質文不得中野史道所賤詩場
判華實漢後格屢變用中蓄宏力依道滌夙戀哲匠嬾心
統時俗冒黨援落落二千載彬彬未多見思肩復古責體
孱目已眩再拜西河賢言詩明素絢

世降立壇坫呼者升宜高爾我走敝車說詩徒煩勞何況
將分離野鳥孤翔翺和聲不相聞望遠心忉忉忉忉亦何
爲窮達隨所遭君酤金臺酒我上黃河舸秋風振朔漠木
葉鳴亭皋靜中各俯仰恍惚皆風騷

梅伯聞余將歸敘懷悽咽作歌解之

潞河蒲帆高十尺嫋嫋西風送歸客平生萬里江海心忽

對姚生慘離色姚生汝自東溟來魚龍百變看喧阗吹
洞簫弄沙月天風浪浪生蓬萊何爲臨岐話胸臆使我萬
緒縈悲哀槐陰滿院日亭午山外愁雲作涼雨虛堂竝坐
猶未行撫几低頭不能語長安城中多貴游門庭聚散如
傳郵汝獨戀此白頭客豈有文字傳千秋不如其登燕市
樓笙歌環列同王侯一飲百笑醉乃休誰爲芝鶴誰野蠚
姚生姚生髮如漆莫變吳霜日蕭瑟君不見都亭楊柳頻
贈行柳條折盡還重生行人一見一回老爲有悽悽離別
情

題廬陵王氏兩世孝行錄

白鳥繞庭前黑虎馴墓門路人涕泣相評論兩世孝子今
希聞孝子涉水遠乞藥陷水不死如有神慈孫長復守父
墓靈泉涌溢清且淳神靈咫尺世不見誰無父母誰實知
本根鮮民誦蓼莪陽陽無淚痕青史駢列孝子傳博習不
救心霧昏君不見孝經一卷貽後昆滇南觀察能澤民觀察
名贈芳兩世孝子其祖父也綵衣豸服廣仁孝蒼生一氣相氤氲吁嗟
乎百行可贖毋忘親天地赫赫鑒乃身廬陵王氏篤天紀
烏虎猶知何況人

擬古四首

元鶴來東方避俗常獨飛道逢海上鸞雲天相因依依

曾幾何鶴老欲東歸時勢迫遐阻語鸞毋自疑與子爲同
羣萬里無分離不見垂素髮閱世非一時豈如平田烏貌
合神睽乖南北迴相望雲天當知之

憂人困積雨望月如所親見月無一言淚下難彊吞我悲
果何爲天遠月不聞月光下照汝汝情誠百端何不試剖
析雙淚徒汎瀾仰首對我月小臣實愚昏月乍解我意歟
忽來浮雲浮雲長滿天混茫難具論

塵世不耐居沿海覓瑤草水闊風怒號不見下青鳥豈伊
王子喬誑我來遠道言歸山川遙欲往境虛杳青鬢坐成
白況我髮如草古原無神僊人心自顛倒若不飲美酒鏡

中益衰老

百卉望蒙密飛鳥多歡悰何來蜀杜鵑嘯血枝頭紅汝血
有盡時死去誰爲功鵲兮泣且言吾性天所鍾陽春將告
歸知己今難逢感激不可遏血涕交心胸行人聽之笑何
不爲煙鴻

奉別樹齋先生卽次贈行元韻

雲端聞閣聳高秋驕客琴書不可畱白髮那堪知己別黃
河更爲故鄉愁飛鴻颯颯燕關遠涼雨疏疏潞水流君
德師恩俱未報青山深處尙回頭

畱別小庾四十韻

暑溽蒸連雨，羈人自欲行。遲迴去京國，往復咽離聲。況是
東陽客，常深北道情。鄉閭通臭味，旅邸接精誠。貰酒秋飈
爽，聯吟夜月明。舉頭神共王，屈指歲頻更。暫隔雲遮嶺，重
來雪滿城。孟鄰欣密邇，車座慰平生。舊事低回敘，新詩慘
淡評。對牀聞爆竹，偎火候瓶笙。人海論朋友，正月作友說一首與小庚
天倫埒弟兄。竝無終日別，眞結歲寒盟。春色浮崇闕，仙
風引大瀛。相期聯玉筍，無分宴朱櫻。馬骨憐長賤，龍淵鬱
不平。兩心矢松石，一笑畧簪纓。流輩馳歸轂，衰羸阻去程。
緜疴艱僕御，卷跡避公卿。院僻蒼苔合，窗虛瘦石撐。朝昏
勞慰問，談笑作勛名。靜借廚書讀，豪分玉琖擎。僧樓倚疏

磬樂部審柔箏跌盪雙翔鵠調和遞嘯鶯渾忘隙駒逝漸
訝候蟲鳴黃水牽魂夢青門累送迎煙霄金殿遠齊魯

布帆輕我老窮何泣君才命尙爭辭華尊古藻肝膽薄時

榮勉賀參元火

小庾家書來近遭回祿

遙愁晏子楹艱屯增兀冪遲

暮握晴嶸豈有文成陣還虞射出正冰消波意活霧埽日

華清風會人宜輓塵凡氣必英酸辛緣久伏躑躅爲長征

周道游眞倦名山業未成舟車藉料理文字託肝衡

廉峯刊余

詩話小庾參校最勤

合志徵殊眾圖終小永貞轉蓬身太苦折柳淚

齊傾葉墜燕關暮霞飛滌岸晴不堪孤館坐河漢向南橫

養一齋集卷之八

山陽潘德輿彥輔

乙未年

閏六月與星潭出都至天津舟中作

惻惻復惻惻浮雲別離色同是還山雲青山限南北君居
北海曲我居東海頭西風帝城雨催上潞河舟潞河臨
別路把酒畱君住風潮兩日程送汝津門去津門煙水綠
彈指程期促但願雙槳遲不願孤帆速雙槳去嘔啞同行
復歎嗟君衫似秋柳我鬢已蘆花蘆洲橫望眼勸汝加餐
飯自保金石軀莫恨蓬萊遠蓬萊僊子居傍君丁字沽雲

山二千里憐我意何如

七夕泊楊柳青

楊柳青邊夕照黃人家秋色入蒼茫今宵不忍看銀漢衰
衰西風走濁漳

楊柳青邊愁客過柳枝憔悴奈秋何一樣長條善披拂青
青偏讓御溝多

今我行

今我不樂百端據心座無旨酒囊無青琴

解一

泊泊衡漳亦

流於北我憂無方誰屈誰極

解二

山出豺虎水橫蛟鼉欲往

殲之手無太阿

解三

寄愁天上薶憂地下古有斯人今誰見

者四解視聽迂錯坐起失處懷憂告友笑而弗喻五汝視汝

衣素為緇矣汝視汝髮蒼或白矣六解大波既東西日弗留

血氣尸之我誰怨尤七解相彼苑柳蟬鳴相續我不如子涓

露易足八解清露載零百卉不菲出無良謀不如還歸九曰

歸曰歸江海之涘委巷黃犢豈無美士十解

釣魚灘舟次

釣灘小可泊煙岸數家村新月一回照秋懷難具論風沙

下漳水雲樹掩津門欲醉夕無酒暗濤驚夢魂

滄州述感

滄州城外雲陰陰雲水混茫愁我心九河故道不可辨萬

一
二
三
橋直下煙波深煙波浩無極白日忽西匿海國無長鯨
鯢蟹奮戈戟君不見去年廬州數十艘殺人東昌血滿壕兵
符纔下已遁逃又不見今年江淮眾黃頭晝持白刃尋仇
讐夜擲人頭滿滄州我過滄州城不叩滄州吏大府節鉞
了不聞牧令區區亦何畏吁嗟此輩胡凶殘草薶禽獮毋
養姦刑官近來尙仁厚行人躑躅空長歎長歎躑躅向南
去糧艘橫來色如土獨避荒邨頽岸邊黑雲沈沈吹暮雨
寓感五十首

園穹默無言四序如輪周何哉華顛客蹇產常悲秋秋氣
已西來元蟬鳴未休笑彼不知時詎識中多憂風露飲未

飽歲月忽已邁長吟向青天朱陽不可留

少年來皇州結交誇俊雄羅綺騎白日金樽笑春風握手
朝同車反顏夕張弓回顧周道旁鬢髮一衰翁發言不悅
目敝衣何脩容再拜前致辭願言披肝胸春華豈不繁老
柏宜霜風人事若反掌愛憎時異同少年且安坐我願堅
初終

方舟發海隅南行指吳楚川塗阻且長客子鬱無語盤渦
有螻蛄碕岸無蘭杜海近浮雲多變滅易風雨帝京旣
已遙瑟瑟忍羈旅

原頭禾黍風吹送孤帆行此邦歲稍熟觸我鄉園情受田

比餘夫兒羸時課耕我田穫幾何所求百室盈歸家杭酒
賤旅恨亦可平飢飽繫天意我心何所營

朝渡桑乾河暮呼涿鹿驛軒輊人來車馬供絡繹采風
搜俊英茲典固赫奕老儒不量才頗思文報 國一舟適
蒼茫孤櫟愁盜賊顧影毋歎嗟於世久無益

我舟過南皮緬想南皮讌絲管羅便娟文采萃英彥行樂
信及時揮手若飛電事往涕尙流所思邈難見何況百歲
餘陵谷遞遷變明霞易銷鑠逝川不迴漩臨流鑑衰髮懷
舊淚如霰

林月入我舟岸蟲近我牀見月已大息聞蟲益徬徨披衣

欲出戶冷露如嚴霜卻坐滅華燭拂簾候晨光展轉俟一
夢邈若川無梁百年會有盡何如秋夜長

天馬來絕域監牧豈驟知異骨不駕馭品與駑駘齊珠勒
既無分泥塗安得辭逝將負鹽車流汗復踈蹠伸屈在知
己悲嘶徒爾爲與爲向人鳴老死流沙西

子產論寬猛太叔治荏蒨小慈必盡殺好仁乃病愚何況
蠶螟蟻禾黍肥其軀食飽四飛去田畯如尸居何術明稱
職歲暮收民租但責以姑息猶未當乃辜游吉不忍爲國
氏當何如螟蟻方在原毋譏鑄刑書

試劍取立斷發矢志破的百事求更張名實必未覈持屏

改作牀木朽亦何益持釧改作簪金匱等塗飾我意懲虛
僞卽事載功績迂儒嗜古書毛舉如石畫持之獻臺端謂
輔諫臣職猾吏掩口笑奉行但紙墨千秋臣與友道貴知
語默偉哉田承君末世那可及

殷殷雷聲作煜煜電光紫須臾霽色鮮川平若鏡砥鬱激
能發舒不礙變和理胸中尺寸地柰何百塊疊濁酒日沃
之石上投以水雷霆奮無期百卉盡頽靡我何悻直爲傷
生博蚩鄙大易言龍蛇三復義深美

大舟弛然來小舟息水涯風利不敢前坐視日影斜蜿蜒
大舟纒雙飛如交蛇高舉望旗竿伏行冒柁牙人命爭豪

釐天幸無謬差馬當及瞿唐此險何以加借問大舟誰巍
巍運糧艤舟小何程期畏避全身家彊弱古如此客子胡
嘆嗟

挂席還幽勝開軒睇長道千里無青山荒雲覆秋草京邑
別幾時寄書託飛鳥風多鳥翼倦四顧天浩浩前途李白
樓栢酒發裏裏李白不可作沈憂令人老

班姬簪紈扇常恐涼風至政使秋氣深保全在吾筇膏蘭
自煎焚危身以稱意盤錯況百出一身幾利器寄聲山澤
癯無爲諦蕉萃

古人養心氣篤於撫嬰兒其次爭建樹下乃攻文詞我生

何所營心疲鬢毛衰文詞被嗤點大者益可悲揣分欲求
益莫如增頑癡今古多醉人哺糟啜其醨憂喜如蟻螻過
眼心不知

中年憂樂多陶寫賴絲竹謝傳澹蕩人尙未恬幽獨矧我
侘傺久歡場彌局促聞歌喚柰何亂我腸九曲象版催清
樽華筵列明燭平生未得志安用娛耳目

河梁詠殘月望舒今已圓不見離亭人谿童閨邨煙擊鼓
復揚旗醵錢會中元象教吾不知人樂當有年轉思羈旅
悲不若安園田馬牛任人呼鹿豕與往還親友無離別歲
月憑推遷肥遯策不就身世真茫然

河水逝不息山雲蕩難駐終朝在吾目依微際天樹其下
故人居木葉下庭戶感時必憶我今夕泊何處迴帆欲往
來津梁不可度叩舷歌日斜遠樹亦煙霧

王臣出乘傳謹呼及輿臺外吏供下陳指揮去復來堂上
偶鑿鑿儼從怒若雷有核棄牆陰翻言罄瓶罍豐腆自何
出罔非閭閻財吾輩賤行役齟齬心顏開敬愼念佗日民
生良可哀

千載作士氣信陵下侯生竊符殺宿將此師非無名當時
徇小義宗社歟見傾趙亡必及魏兩河無堅城知幾七十
翁感激輸精誠無忌禮一士鐘虞安無驚鄙哉豪門客狡

歸私營營

旅泊無逢迎班荆故鄉友聽其論時事剴切得未有手指
羣糧艘崇條若岡阜但運六百石何必廣所受改作殺其
半水淺弗淹久榜人習凶獷人寡必斂手回顧津門鹽舊
法亦難守怒虧商益貧紬綺化枷杻何不場起稅比之糧
計畝無商課轉足普天釋逋負兩論脫可用誰當獻我
后煙水爲散人感喟屢搔首

朝餐仍朝飢夜眠常獨醒老夫情懷惡煙月枉清景何來
晚寺鐘餘音滿虛境勞人駐足聽飛鳥爲之靜十里德州
郭海天共溟滓頓悟消搖游吾將據梧暝

秋原少豔卉荒塗無榮柯
橫舟步沙岸老樹何婆娑
條再三嘆累汝風霜多材
質幸臃腫斧斤禍未罹金
谷有珍木敷華媚酣歌汝
爲賜者正曠遠非蹉跎

瀟瀟涼浸窗颯颯夜驚寐
孤篷愁雨聲野電不可避
城荒櫟斷響風急燭飄淚
美人居紅樓縹渺若天際
誰念雨中舟清寒坐擁被

瑟瑟復瑟瑟芙蓉依秋江
曉受玉霄露夕當頽岸風
岸風勿相陵秋懷千萬重
甘爲秋芙蓉不爲蘆與楓
蘆白非煖絮楓紅作時容
誰能稱拒霜亭亭凋零中
嘉會各有時沙鳥豈不雙
日暮佇騷人披煙下蘭艤

高帆轉復轉河流曲復曲去帆數里外恍忽可追逐一里
四三河旋折如疊復江南相見灣何以在吾目乃知此河
勢古昔弗聯屬人力合漳衛通漕運倉穀奇功五百載鑿
空歸約束焉用誦五車禹蹟考精熟

宇內河防三北河務差簡專閫雖未開運道實管鑰涖易
與漳衛眾流合混混豈能待秋漲賫土殺湍悍我從天津
來隄水太漫漶比聞東光北奔潰奪生產帑金詎不充官
吏見豈晚故鄉枕河淮愁思忘夕飯

子瞻渡海時書傳猶未出有恃竟無恐風濤獲安吉我舟
度析津穿漏逼奔汨倉卒賃廬旅驚魂夕怵慄平生輯文

字淋漓不成帙易舟理叢殘開窗就風日出險若天意或
藉此譏述陽侯勿匿笑詞人語多謚

鄒繹戒動心直養始無害生槁幾微閒儒釋遂分界我懷
呂榮公習靜少驚怪橋圯與墮淵安坐聽滂湃人心若駭
鹿彊制已可愛吾生惡桑門聖學復難逮心弱憂患多羸
老甚矣憊徒聞伊川子風濤整巾帶更思涪江翁無心水
雲外

涼氣侵朝衾舟師報微雨冥冥雨色中輕帆過前浦盥手
調茗薑清言推今古愴焉懷遠人身世共誰語緒風振庭
柯凝雲抱洲莽寸心爲雨絲散空千萬縷

生友傷遠離死友慘永隔平生歡笑人哀哉臥雲客

數子室名

臥雲斯人果入地我困乃造極卅年若形影歸去忍單隻孤舟頻夢君警欬猶在昔森森林氣青黢黢野雲黑

平生愛佳士心許輒不疑但覺所愛人吐辭皆珠璣我心縱明鏡古今幾西施況出塵匣中何能別妍媸妍媸信難別金石豈可移居不羞敝廬行不更故衣旣爲漆與膠纏綿何已時

舟子貪使風敲帆若劣馬不知枉渚側沙淺滯回柁奮前不圖後涉世靡一可我窮抱孤志取求獨浩大年年將卑車皇皇歷朝野田園坐荒畧兒童遠風雅出處如風旌

往復詎由我前徑尙茫昧後緒孰擔荷不及求田翁定心
役卑瑣

屈子離憂辭賈生流涕言於邑非身謀譏之必庸人鳳皇
集阿閣文盛由德醇何爲澤中雉乘風上庭軒亦欲和咸
池粉飾三皇春屈賈無惻款千載無蘭蓀楚漢皆蔓草鬱
伊誰與論

鬱鬱太行山雲族紛來朝葛藟生其顛所託豈不高崇條
被甘露清潔承丹霄奈何恣蔓延牽引及艾蕭艾蕭獲繫
援朋類還招邀絳雲覆薈蔚天道匪不誥江離與沅芷終
古嗟蕭條

武城判南東考辨紛滋疑士人愛聖蹟用假爲光儀作吏
則佞術焉用學道爲淵明欲弦歌聊作三徑資此語致曠
達翻爲後人師言子鱗鳳瑞陶公雲鶴姿遙遙不可再吾
爲斯民悲

山林有清氣鬱發心無端可憐抱鳴琴頻入街衢彈我思
悅衆耳改弦良獨難正聲係天運興廢奚悲歡茫茫返山
澤天空海波寒

雲起海風作羣鷗出林噪風雨誠先知何必爲人告道旁
輕薄兒挾彈見汝笑知天不知人取裁未足悼鴻鵠亦避
風雲煙隔瞻眺

燕齊越千里懷古恨倥傯不見古偉人但見岸旁冢遲暮
名未立倏忽亦耶壘睠彼柏下人邁征得不勇荒哉一死
生墓木壯已拱

人心明不息庚續有生意不學老必衰樂至哀亦至方爲
鼓缶歌大壑復嗟喟傷哉日昃離顛倒自我致誰揮魯陽
戈激昂刷暮氣

運道歷衛汶衆泉匯合沓山泉發有時渟蓄羅石牖糧艘
闐然來出牖如出峽已出相慶賀將出愈怛怯秉旂躬必
正輓纏步毋捷始知恣睢徒道貴有檢押世事盡如此胡
爲虎離柙

盪我萬古胸登彼百尺亭亭下何所有水繞沙邱城秦皇
擊六國威力如怒霆厥終一坏土野火奔狐麋我來眺空
闊萬物皆蓬萍北去衛水濁南來汶流清清濁尙混淆盛
衰何定形仰首語飛鴻吾意其冥冥

下牖水如矢復如雷轟騰眾舟爭號嘯其旁有漁曾得魚
神揚揚失之無戰兢勞逸不相謀感唱由之興龍驤畏濤
波一葉安清激物情最貽笑勢力爲才能

我從京國來牢落忘軒裳侍童進宦籍爲之神低昂湯生

昔作賦

湯若士有房中感宦籍賦

與我同慨慷慷慨復流覽達官非歡

場周官重官聯牽制反倉皇高牙大纛人荆棘彌多方出

處一躋局冠蓋徒焜煌不如酣美酒薄暮陶一觴

我心渾如童我面已多皺百慮苦自煎一物乃未救彼蒼
意不屬勞心卒何就昔我同志人高情踔世宙相尋歸山
邱言之涕霑袖春來梅桐華秋至焚薶秀時命有恆然天
隨學爲壽

魯連不帝秦義烈動海宇聊城激燕將發書飛一矢文辭
致博辨導人畔其主半生誦高蹈颺忽類策士功名動襄
袞何暇擇言語大息過城下人心孰如水

瀕河甯多魚大者才數寸貧民貪目前繁碎生理困何爲
紳笏賢崇高幹時運薦嗜詹詹言鉤稽若夕販經史陳遠

猶作色席遲頓鸞鳩搶枋榆游鯢程九萬毋問大小知姑
誦齊物論

雕俎集飛蠅磨之復來前醯雞既處甕甕外原無天拘攣
在性始變化真無權我心愛遠游衰疾來牽纏形病不足
憂神病殊可憐低首愧淵魚舉首慚天鵲

朝過東昌城雲氣莽壅闕拊爲淟淟雨愁思坐難豁臨河
將濯纓我面已全拂三齊多豪英誰與宜鬱鬱憤墮塵網
中魂魄自超越昨夜夢玉童授我古簡畢要我岱宗顛滄
海看日出天門未可通齋心洗凡骨

瑤瑟五十弦一弦載一心上之苞大衍六氣調陽陰下之

感庶類通德中雅南未登清廟中沂泗鳴愔愔古人雖云
遙金徽有遺音鼓柷和謠詠惠風滿秋林行者試傾目澆
俗皆義炎義炎在人世我心何欽欽

挂劍臺歌

煙波泱泱無好懷振衣登岸尋荒臺千金之劍安在哉猶
有萬古英風來故人故人長夜黑一劍橫空曠日赤妖狐
狡兔不敢游牧豎樵夫皆噉泣文士紛紛說縞紵義冠玉
佩圍尊俎池臺秋冷上賓稀寶劍似龍人似鼠古人結交
無死生今人死友皆虛名吳鉤投贈亦常事難得肝腸秋
水明

南旺湖采蓮歌

南旺湖邊煙水秋朝朝攜手上蓮舟莫學龍王廟前水一
河分作兩邊流

南旺湖隄穩結鄰小船菱藕未全貧生憎下水船中去地
北天南愁殺人

登太白樓放歌

海風吹帆來濟州長庚夜挂城南樓殘星欲落未落處夢
裏謫仙招我游謫仙已去一千二百載草木無色煙霞愁
嗟我塵土撲顏面豈有健筆凌滄洲幸哉論詩愛復古此
意不爲先生羞靈飈歛起意飛動昭陽湖水檻前涌鳬山

繹山吐嵐氣岱宗一雲接鴻洞青天若可捫齊魯在掌上
欲釣東海鰲騎鯨踏雄浪鯨尾掉波灑龍雨悅忽霓旌過
前浦亘天虹采忽變滅但見汶泗雙流繞城去任城城外
古通津建安文章今幾人仙才縹緲不可再何必思逢賀
季真

太白樓有萬歷閒家印川司空詩碣書感次韻

供奉才名濟上樓司空遺墨亦千秋河山努力抒經濟歲
月何心付宴游司空持節濟州二
十年始一登此樓笑我窮年縱詩酒可逢
狂客許風流江湖魏闕還千里倚檻無言掉白頭

濟甯城上眺杜工部南池作

杜陵客齊魯尙未挂朝籍到今如日星寂寞憐在昔亭館
偶流覽身世實偏仄浩歌十六相疑謗彌霧積我才如燭
火老拙與之敵孤舟濁酒尊淒涼過東國天壤無斯人偃
偃吾安適

雨夜聞笛

煙波千里入秋陰一笛猶能慰客心卻憶旗亭折枝柳雨
痕應似淚痕深

嵇呂黃壚跡已陳子期老去更傷神瀟瀟風雨孤篷夜忍
憶山陽笛裏人

客冬入都後錫藉
際華勤子皆湮逝

雨行看山

遠山霽後近近山雨中遠厓賺迭回薄朝嵐鬱不散谷雲
藏日華蒼茫忽疑晚但覺青濛濛一氣抱徐兗蔥蘢萬草
木佳境掩何限詎識庵藹中天地合蒼渾峰巒愛削露所
保毋乃淺

四女寺

如許嬰兒子齊風信自淳未明歸妹義可厲事親人舊宅

荒爲寺寒梅標尙春

四女種梅一本四枝

明璫映秋水誰薦季蘭蘋

夾馬營

按宋史太祖本紀唐天成二年生於洛陽夾馬營此在武城北三十里不足據姑卽事詠

之

五季羣陰極一陽回赤精炎光照天水黑夜失欃槍烈烈

黃袍擁琅琅金匱盟未須疑燭影生死悉昭明

巢父墓

在東昌

不信時雍代猶遺石隱賢羣書真率爾孤豕竟巋然葉落
巢禽下雲深野犢眠塵塗是吾分未敢慕林泉

秋日初歸里門題書齋壁用杜到邨詩韻

高雲猶倚澗涼雨漸成泥苔長芸編靜花輕豆架低秋心
生稼圃吾道倦輪躋廬井新歸樂關河舊夢迷良朋幾
楓陛獨酌就蔬畦林藪一枝寄兒童勸穩棲

哭黃蔚雲

歸里哭邨生寸心已分裂斗聞君亦亾肝肺真斷絕踉蹌

至君門一語萬嗚咽君死不姑待我行復牽掣隔此數日
閒不得生訣別瀕死日念我舌卷尙頻說回思弱冠交卅
載如一讐坐君堂戶閒似君話瑣屑開眼成夢幻諸郎已
衰經出門悲復悲胸腹日癆結仰天復何言死去悲乃輟

郡城晤通甫臨別作詩

歲餘不相見愁思難具陳寒冬一握手睂宇回陽春年齒
不相如結志同清真志同義分切肝膽披輪囷毋言形體
殊與子如一身老友半零落吾亦華顛人恃子豈有極望
子超常倫仰瞻北斗杓迅速猶風輪修名不建樹壽考皆
浮塵浮塵滿吾眼得不驚心神

文章祇潤身政事可及物偉哉歐公語生民賴以活子文
實雄邁光氣摩日月義義輔軒使蒐采貢天闕天闕
高九重下土仰慈恤英賢久鱗萃間望貴真實覈實俗所
惡噂沓撼吾骨唯阿保冠紳飢黎已捐瘠袞袞深夜談岐
路惜倉卒相期黃金臺風義振宏達

丙申年

赴都述懷

青天有片雲忽欲沛甘雨徒抱濟物心衝風起下土物窮
亦天命於我果何怒超澹性所根表裏衆咸睹林鳥不相
識太空長謝汝

茅舍晝端居境寂神魂清苔草動微絲暄日銜窗明方寸
舊五嶽對此萬狀平夢中猶龍客昨夜夢人授道德經屈伸中有精
駕言赴天闕吾豈爭榮名

與鏡渠話別聯句

萬古幾狂客牢愁不可平高樓沽美酒與汝話平生斗轉
春如海人行日正晴潏潏是吾望蓬華恨虛聲

膠止黃河濁戈揮白日迴好培風力厚下視海雲開華髮
猶車馬憂心在草萊行藏爭得失岐路重低徊

雨後北行塗次柬徐海峰韋竹坪

黃河作雷雨清曉送行人杖策二千里連天楊柳春良時

惜晚晚垂老戀風塵京洛幾知己相逢抒性真

況有故鄉客聯裾佳興多塵寰積謠詠吾儔但弦歌谷暗
雲多態磯危水易波老夫渾慣見攬轡自經過

題葉生江亭看山圖

白日照我上太行簪我西登高吐鬱轡氣作晴空霓疾風
送飛鳥遠山若可梯嵐光落几席酒中青天低下視九衢
塵寰衰萬馬蹶爲我問太行巖谷今誰棲

江亭展禊詩

四月四日黃樹齋先生及葉筠潭少卿汪孟慈陳
頌南兩戶部徐廉峰黃渠卿兩太史招集京師城

南陶然亭仿蘭亭四十二人之會溫翰初戶部爲
江亭展禊圖孟慈竝出所藏宋刻禊帖送寅古棗
花寺而以同人作埒其後余爲古詩二章

龍德盛 昭代羣鸞游 天閭黼黻運隆古縞紵生輝光
巍然城南亭羅列四海英赫赫正陽月陰慝咸退藏潛躍
象有殊道各分乾剛升高覽品類講習求平康豈曰師晉
賢放歌嬉壺觴

清談滋晉衰右軍獨遠識擢之總朝枋豈不逮安石惜哉
山陰會盛名倚翰墨後人舍其大聚訟此摩刻不如暫流
覽妙蹟委佛國彼法原虛空此寶合蕭寂偉矣賢盍簪八

方視爲式軒裳耀雲天高厚責樹立

元通觀步月追悼星潭泣然成句

碧瓦露華徹松影靜滿地愁人立月檻衣裳有秋氣悅焉
懷故友萬象若夢寐林亭炯在眼斯人已川逝偕歸不偕
來一別成萬世海月過津門空館照深閤青鐙搖總帷寡
妻杳天際我將嘯風月舉步輒揮涕苔蘚綦履跡卻尋纔
隔歲歡笑不可追汝死我困躋回頭見朗月夜臺等陰翳
制淚急言歸對影復長喟掩關孤夢幽汝魂儻可至

爲王慈雨吏部題龔翠巖金陵六桂圖

冬青槭槭當北風孤臣血淚霑江楓六朝文物眼中盡長

江天險嗟無功禾黍蒼茫徧歸路猶畫嬾娑桂之樹冬榮
本性比松柏獨向南天耐霜露霜露飄搖萬山碧虎踞龍
蟠對咫尺不都鍾阜都錢塘大息中興先失策西湖荷花
秋不芳白門烏嘯楊柳黃亭亭六桂立江表掩暎山河秋
月光秋光薄薄夜如水翠葉丹華心萬里欲賦淮南招隱
篇匡山故人呼不起淮南耆舊古來稀讀畫能教淚滿衣
惟有鄭家蘭數筆淒涼同是首山薇

爲李芝齡少宰題龔翠巖大德馴象圖

翠巖畫馬如畫人權奇倜儻騰精神翠巖畫象如畫馬青
絲繡罽華軒下當年落筆長嗟吁骨像可入王會圖臨安

王氣恨銷蝕萬里炎洲趨大都拳毛鬼鬪齒如鏐短衣蠻
奴散籠絡玉馬來朝故國臣金闕相逢淚應落君不見天
寶羣象解戀主抵死不爲祿山舞哀哉白雁自天下奇獸
蒼如太倉鼠翠巖翠巖空人豪朱鳥悲歌如謝翱南州馴
象已北去且畫山鬼吟離騷

翠巖亦善
畫鬼魅

浮雲飄瞥六百載

淮陰先賢蹟猶在可憐筆力枉如象不與蛟龍鬪瓊海

廉峰爲刊蒼一齋詩話賦此誌謝兼以畱別

少壯槌蓬戶垂老適京國叢殘舊文字濩落誰愛惜嗟君
獨好事寶爲後來式辛勤督剗剗衰朽藉雕飾數年塵撲
面祇此爲我得君言子母然吾道無畛域詩教繫人紀子

論實正直用以厲一世豈曰爲子德

小雅重友聲友聲非易求感君意和平別君雙涕流開筵
坐釃酒白日駛不留方春集 金闕長夏還林邱仕隱兩
不成實爲良朋羞回首望蓬山粲粲羣鸞游曠野一黃鵠
悲鳴何所投銜悲果何益時命非人謀知己在天涯聊以
銷吾憂

與通甫

魯生海上來氣欲舉萬有誰薦貞亮姿觥觥立 朝右名
字動卿相寂寞向隴畝汝心了無事青山勸尊酒渾渾如
兒童落落處儕偶我觀海內英才分殊石斗汝才已邁往

汝器更稱首毋謂我衰白直言互彈糾道藝本一身救若
左右手生事會有盡何者百年後恩恩朝海霞絢麗復何
取

奉別樹齋先生

滄海聚元氣眾流知所歸浩蕩吐雲霞朗朗扶朝暉我才
如支川濟物功已微瀾瀾荒蘆中向若徒歔歔
高臺春風寒名花委苔草攀條撫流年容華悵已老尊酒
能幾時惻惻就遠道馬上問長劒報恩胡不早

出京口號

玉樓歌罷酒人歸沙起金臺夕照微欲把長竿釣滄海西

山雲傍馬頭飛

黃邨晚步

春明一夢過
恩恩車走黃埃
赤日中薄暮
邨墟看鋤地始
知襟袖有清風

傷別

夜行易水上
波光白於雪
曉過任邱城
天空有殘月
清景不我違
良友柰何別
去年別繆生
流水夜嗚咽
今年別黃郭
馬嘶晨不發
江永嶺峯堯
海雲已變滅
生死雖殊觀
會面期總絕
那如殘月光
死魄有蘇日
蕭蕭古寒水
短歌同永訣
行矣夫何言
悲風動毛髮

與魯二通甫吳生大田南歸塗次戲爲三君詠

落日見孤隼驚風吹大荒魯侯少小句奇氣已飛揚三十功名薄關河感慨長何能賣雄劍買權詠滄浪

吳生豈弟士可以致公卿失意同廬旅視余猶父兄黃河多沃野壯歲莫歸耕縹緲金鰲頂僊才汝抗衡

潘子不知老虛名太累身可憐逾五十未肯作詩人鐘鼎無迂拙江湖有賤貧歸家兒女問何日離風塵

苦水堡

去年麥無雨今年麥無雨借問水濱人何如苦水苦汲水釀作酒欲飲仍攢眉水苦有人覺人苦當告誰

旅店和壁上詩

紫陌香車遠黃沙細馬馳爲誰掠蟬鬢早已妒蛾眉牆杏
羞呈面筐梅判失期苧蘿歸亦好依舊浣紗時

往平述感

齊西風物近如何攬轡南來涕泗多百里田疇無秀麥四
更門巷有清歌征人蹀躞謀行樂長吏逡巡報薦瘡嶽嶽
馬生呼不起荒荒殘日下巖阿

放歌行

清顏出邃房清歌發離堂佳人忽顰蹙整帶起徬徨徬徨
將告離放歌聊自明窮士愛相逐貴盛苦相忘少榮積瓊

珮老賤廢承筐昔車敬擁簪今趨周道旁昔盟頸濺血今
寒足履霜西京鄙蕭朱秦漢譏陳張君子猶薄終賤妾如
秕糠瑤璠信量采蒼蠅在垣牆予美不傾耳朱弦徒激昂
一弦非一淚襟袖霑淋浪聞歌起握手汝誠貫三光願言
誦此曲永永結中腸登車指斗箕南北長相望

東平旅亭

山日對車落披衣夜疑暑四更空谷秋木葉響如雨
我憎東阿山怪石鬬馬足坐愛東平東雲峰可人絲
茅屋茗煙淡石橋絲柳疏可能投馬策來此釣游魚

兗州道中

東出兗州郭南登泗水橋我馬與歸雲迅急乘風颭魯道
夷且廣獨鳴塵外鏹茲邦產上哲鳳圖嗟寂寥所以顏氏
子閉戶怡簞瓢今我不自適何日游消搖海鯤與河鼠相
笑皆外膠歸哉楚江東飲水無怛怛

界河驛題壁

五月五日界河驛不見若榴花弄色一蟬翳葉吟古槐數
馬齧芻嘶破櫪語馬勿嘶蟬勿吟我歌淚欲盈衣襟十年
南北二萬里衣上塵如車轍深去年征塵一痛洗津門漏
船三尺水昨朝車僨泗水橋再澣衣裳白波裏波濤浩洶
興超忽可憐性命輕豪髮郎當奴子暗匿笑抵死奔馳乞

何物心平物態無萬殊眼前險絕皆通衢沙河呼友酌蒲
酒憔悴毋爲屈大夫

桃花橋

短鬢堆塵絕可憐長橋流水故依然臨流忽憶桃花磯

在

江甯攝山余丙子秋坐攝山五日壬午秋畱一宿去不聽泉聲十五年

官湖

邳南十里是官湖沙際衡門晚駐車隔院人家綠陰好便
須租屋晝攤書

水雲淦淦送涼颺湖岸沉深馬去遲卻望清淮三百里鄉
愁半在雨來時

別通甫

翩翩歸鳥載鳴載飛故林迢遙風雨閒之飲啄相呼影形
與依嗟我別子如何弗悲

飄飄白雲一南一北鬱爲雲雷升天合一降于林阿各反
其宅嗟我與子能不乖隔

渾渾黃河言朝大東海若來迎噴雷吐虹子生其閒魂魄
熊熊愼毋優游義輪若風

汙汙淮水亦流于南子居北渚賁勞我心商飈拂樹煙鴻
揚音佇子飲酒散彼秋陰

初歸宿露滋宅

池光月色浸雙扉修竹高梧碧四圍如此幽居吾酷愛二
千里外況初歸

哭少白

谿東涼月待君到蘿屋荷軒一笑開忽報故人成永別可
憐吾儔失清才幾年賃廡添親密千里郵書數往來詩句
滿牆人是夢疾風吹雨助悲哀

木果軒獨坐

內守忍爲蚌趁人羞作蜂軒窗自天地里巷少過從小沼
荷香滿西風柳意慵撫時惟木果霜雪保蔥龍

宮闕青天上丹梯道不平罡風善起落止水斷將迎過鳥

黃昏急空庭白月行山鑑安寸炷此意與孤清
北斗轉復轉眼中雲物涼老夫耐蕭槭懷古淚淋浪螭
孔辭直蛇龍禹慮長衡門漫經世獨寢夢羲黃